

րը, որքան ժամանակ էին խլում նրանցից, երբ կարող էին անելի օգտաւետ, անելի նպատակայարմար գործերով զբաղած լինել:

– Ահա՛ այդպէս է լինում, – շարունակեց Նա, – երբ հոգեւորականութիւնը չէ հասկանում, կամ չէ ցանկանում հասկանալ իր իսկական կոչումը, թէ ինքը Քրիստոսի եկեղեցու, այսինքն հաւատացեալ ժողովրդի սպասաւորն է եւ նրանից ընտրուած մի պաշտօնեայ, թէ իր բոլոր գործունեութիւնը պէտք է նոիրոած լինի նոյն եկեղեցու սպասաւորութեանը եւ բարեկարգութեանը, այդ դէպքում, Նա շեղում է ուղիղ ճանապարհից եւ ընկնում է մոլորութիւնների մէջ: Նա ծառայից դառնում է տեր, սկսում է իշխել եւ ծառայեցնել, ի հարկէ, ծառայեցնել իր շահերի համար: Այդ ժամանակ Նա միանում է մարմնաւոր իշխանութեան հետ, որ իրան նոյնպէս տեր է համարում եւ նրա կողմն է բռնում: Որքան եւ անկարգ լինէր այդ իշխանութիւնը, այնքան անելի նպաստաւոր է նրա համար: Ուրեմն, այլեւս ինչո՞ւ ենք զարմանում, որ մեր քաղաքի հոգեւոր առաջնորդը միացած է Նահանգապետ փաշայի հետ, եւ ինքն էլ մի կողմից է կեղեքում խեղճ ժողովրդին...

– Ես փաշայի հետ տեսնուեցայ, – ասաց Ասլանը, – Նա չափազանց խորամանկ մարդ երեւաց ինձ:

– Եւ խաբեբայ մարդ, – անելացրեց Յայրիկը: – Ինչպէս ամէն թուրք պաշտօնակալ:

Երեկոյեան պահուն, երբ օդը փոքր-ինչ զովացաւ, Յայրիկը մեզ տաւաւ եւ երկար ման էր անում իր վանքի շրջակայքում: Մեծ բաւականութեամբ ցոյց էր տալիս Նա այն բոլորը, ինչ որ արել էր եւ ինչ որ դիտաւորութիւն ուներ անելու: Այդ եռանդոտ մարդը այն տպաւորութիւնն էր գործում ինձ վրայ, որպէս մի լաւ հողագործ, որին ծանօթ են իր ագարակի բոլոր բոյսերը, բոլոր տունկերը, եւ որը գիտէ նրանց բնաւորութիւնը, ուսումնասիրել է նրանց կեանքը, եւ որը այնքան սիրում է նրանց, որպէս մի քնքուշ տիկին սիրում է իր ձեռքով ցանած եւ իր ձեռքով հասցրած ծաղիկները: Նա ցոյց էր տալիս այս եւ այն դաշտերը, ասելով.

– Ահա՛ այնտեղ սկսել են տորոնի մշակութիւնը, այդ առաջին փորձն է մեր կողմերում, որը մեծ արդիւնք է խոստանում, ահա՛ այնտեղ թթենիներ են տնկած, դիտաւորութիւն ունենք շերամապահութիւնը փորձել:

Խօսում էր գետնախնձորի մշակութեան մասին, ասելով.

– Գիտե՞ք, պարոն բժշկապետ, մի քանի տարի առաջ գետնախնձորը այստեղ բոլորովին անծանօթ էր. մեր վանքը առաջինը եղաւ, որ սկսեց մշակել եւ մինչեւ այսօր մեծ դժոարութիւններ է կրում գիւղերում տարածելու: